



*Sabtu 20 Mei 2023*

**Ogen: 2 Kronika 15:8-9**



*Tetap Ncikep Perpadanen*



**T**anggal 20 Mei e me wari bersejarah man bangsa Indonesia. Wari e igelari wari kebangkitan Nasional (Harkitnas). Tahun 1908 Budi Utomo ras teman temanna mereken motivasi ras semangat man rakyat Indonesia meraih kemerdekaan Indonesia. Geraken Budi Utomo e alu mpersada kerina arih para pejuang gelah ersada, mpeturah jiwa nasionalis rakyat, cinta tanah air ras radu ras erjuang guna bangsa ras negara. Kiniersadan e jadi gegeh naluken penjajah. Tahun 2022 enda tema Harkitnas e me: "Ayo Bangkit Bersama" bali denga ras tema tahun 2022.

Bangkit bersama, e nuduhkan jiwa entah semangat gotong royong ngalaken erbage persoalen si turah i tengah-tengah bangsanta. Adi genduari, persoalenta kenca lepas covid 19 e me krisis ekonomi. Perjuma gundari melala ngelabuh erkiteken sinuan-sinuan si mana baban ku tiga la kena ergana. Beras, minak makan, gula (sembako) meherga man tukuren. Tambah si e semangat belajar anak menurun, erkiteken lalana permainen i bas HP, film si menarik perhatian anak. Mberat kal tantangan anak singuda genduari. Jiwa Harkitnas enda membakar semangat lako tetap berjuang bersama-sama ngelawan penindasan.

Adi si kawitken ku bas renungenta enda, lit peperangen i Negeri Juda ras Benyamin, teptep kuta gujuh kerina, la lit si aman erkiteken bangsa e enggo erpenulak kempak Tuhan. Ipediat Tuhan bangsa e ngenanami kiniseran. I bas situasi si bage reh Asaria njumpai raja Asa, dingnen mereken motivasi nina, kam arus megegeh dingnen ula aru atendu. Lit nge upahndu ndahiken dahinndu. Ergiah-giah uku rasa megi kata e, e maka iambekkenna kerina berhala-berhala si lit i Juda ras Benyamin. Suku Epraim, Manase ras Simeon pe keke ukurna lako mbela Raja Asa, ersada arihna lako naluken bangsa penjajah si lit ikutana.